

佛說箭喻經

失譯今東晉錄

聞如是一時婆伽婆在舍衛城祇樹給孤獨園彼時尊者摩羅鳩摩羅獨在靜處有是念生謂世尊棄邪見除邪見不記說世間有常

世間無常世間有邊世間無邊命是身是命異身異有如此命終無有命終有此無有此無有命終我不能忍我所不用我所不樂世尊若一向記世間有常者我當從行梵行若母如是世間世間有邊世間無有邊命是身是命異身異有如此命終無有命終有此無有此無有命終我不能忍我所不用我所不樂世尊若一向記世間有常者論已當離去

世尊曰唯世尊我在靜處有是念生請世尊棄邪見除邪見不記說世間有常乃至無有命終此者我不欲我不能忍不能樂若世尊一向不知世間有常者但直言我不能知如是世間無常至無有命終若世尊一向知我言真若五十二

諦餘者愚癡世尊當記之若世尊不知我言真諦餘者愚癡者直言我不能知此摩羅鳩摩羅我前頗向汝說若我記世間有常汝便從我行梵行耶不也唯世尊如是世間無常至無有命終若我記我言真諦餘者愚癡者汝當從我行梵行耶不也唯世尊汝摩羅鳩摩羅前頗向我說若世尊一向記世間有常者我當從行梵行耶不也唯世尊如是世間無常至無有命終若世尊記我言真諦餘者愚癡者我當從行梵行耶不也唯世尊此摩羅鳩摩羅從下晡起至世尊所到已禮世尊足却坐一面尊者摩羅鳩摩羅却坐一面已白愚癡人無所因而罵耶於是尊者摩羅鳩摩

羅面被世尊責嘿然無言身面汗迴其面嘿然無言彼時世尊面責摩羅鳩摩羅已告諸比丘若有愚癡人作是念我不從世尊行梵行要令世尊一向記世間有常彼愚癡人不自知中間當命終如是世間無常至無有命終我不從世尊行梵行要令世尊記我言真諦餘者愚癡被人不自知中間命終猶若有人身中毒箭彼親屬慈愍人欲令安隱欲饒益之求索除毒箭師於是被人作是念我不除箭要知彼人已姓是字是像是若長若短若中若黑若白若刹利族若婆羅門族若居士族若工師族若東方南方西方北方誰以

若五

十三

箭中我我不除毒箭要當知彼弓爲是薩羅木爲是多羅木爲麪羅鳩摩羅木我不除毒箭要當知彼筋若牛筋若羊筋若貓牛筋而用纏彼弓我不除毒箭要知彼弓弣爲白骨耶爲黑棘耶爲赤棘耶我不除毒箭我要當知彼弓弦爲牛筋羊筋釐牛筋耶我不除毒

箭要當知彼箭爲是舍羅木爲是竹耶爲是羅蛾梨木耶我不除毒箭要當知彼箭筋爲是牛筋羊筋釐牛筋耶而用纏箭耶我不除毒箭要當知彼毛羽是孔雀耶爲是鷄鶴耶爲是鷲耶取彼翅用作羽我不除毒箭要當知彼鐵爲是婆蹉耶爲是婆羅耶爲是那羅耶爲是伽羅鞬耶我不除毒箭要當知彼鐵師姓是字是像是若長若短若中若黑若白若在東方若南方若西方若北方被人亦不能知於中間當命終如是若有愚癡人作是念我不從彼世尊行梵行要令世尊記世間是常彼愚癡人不自知於中間當命終如是世間非是常世間有邊至無有命終若有愚癡人作是念我不從彼世尊行梵行要令世尊作是記我言真諦餘者愚癡彼愚癡人不自知於中間當命終世間有常有此邪見亦當於我行於梵行如是世間無常至無有命終此邪見者亦當於我行梵行世間有常有此

邪見不應從我行梵行如世間無常至無有

佛說箭喻經

十四

若五

命終有此邪見不應從我行梵行世間有常
無此邪見亦當從我行梵行如是世間無常
至無有命終無此邪見者亦當從我行梵行
世間有常無此邪見不應從我行梵行如是
世間無常至無有命終無此邪見不應從我
行梵行世間有常有生有老有病有死有憂
感啼哭不樂如是此大苦陰是習如是世間
無常至無有命終有生有老至大苦陰是習
世間有常此不可記如是世間無常至無有
命終此不可記云何不可記此非是義亦非
法非是梵行不成神通不至等道不與涅槃
相應是故不可記云何是我所一向記此苦
我一向記苦習苦盡住處我一向記何以故
我一向記此是義是法得成神通行梵行至
等道與涅槃相應是故我一向記之所可不
記者當棄彼我所記者當持之佛如是說彼
諸比丘聞世尊所說歡喜而樂